

Na osnovu Ugovora između Međunarodne organizacije rada (ILO/MOR) i Regionalne razvojne agencije za regiju Centralna BiH - REZ, broj 40189531 od 15.06.2017. godine, o implementaciji Projekta „TRIK za nove mogućnosti u zapošljavanju i poduzetništvu“, kojim se potvrđuje saradnja u implementaciji projekta u okviru BiH/15/01/EUR – Lokalna partnerstva za zapošljavanje (LEP) u BiH, REZ agencija raspisuje:

Javni poziv za podršku poslovnim idejama kroz poslovni inkubator „BeeZone“ Centra za edukaciju mladih Travnik

REZ - Regionalna razvojna agencija za regiju Centralna BiH – REZ poziva sve inovativne i poduzetnički orijentirane mlade osobe (od 18 do 35 godina) da prijave svoje poslovne ideje za mjesto u poslovnom inkubatoru „BeeZone“ Travnik.

Ako ste start-up baziran na znanju, univerzitetski spin-off projekt ili razvojni odjel nekog preduzeća, tada je Inkubator Centra za edukaciju mladih pravo mjesto za započinjanje vaših poslovnih aktivnosti.

O projektu „TRIK“

Projekat „TRIK za nove mogućnosti u zapošljavanju i poduzetništvu“ provodi se u okviru projekta „Podrška lokalnim partnerstvima za zapošljavanje u Bosni i Hercegovini“, kojeg finansira Evropska unija, a provodi Međunarodna organizacija rada (ILO).

Osnovni cilj projekta je stvaranje povoljnog okruženja za nova radna mjesta promocijom poduzetništva i provođenjem poduzetničkih obuka. Realizacijom ovog projekta bi se ostvario dugoročni održivi efekat procesa kreiranja institucionalne i systemske podrške zapošljavanju mladih u općini Travnik kroz stvaranje stimulativnog poslovnog okruženja, a koje će aktivno doprinosti povećanju novootvorenih poslovnih subjekata/radnih mjesta, ali i kontinuiranoj promociji poduzetništva i poduzetničkog obrasca ponašanja među nezaposlenim mladim ljudima kao ugroženoj populaciji.

Vodeći partner je Regionalna razvojna agencija za regiju Centralna BiH - REZ, a partneri su: Općina Travnik, Centar za edukaciju mladih – CEM, Sveučilište/Univerzitet "Vitez" u Travniku, Služba za zapošljavanje SBK/KSB, GS tmt d.o.o. Travnik i NOBIL d.o.o. Nova Bila.

REZ Agencija je Regionalna razvojna agencija koja djeluje u regiji Centralna Bosna i Hercegovina. Osnovana je u maju 2004. godine, a kao platforma za osnivanje Agencije bilo je partnerstvo vladinih i nevladinih institucija. Osnovni principi rada REZ Agencije manifestiraju se kroz usluge koje su prilagođene stvarnim potrebama dionika razvoja u Regiji uz primjenu stečenog znanja i iskustava, suradnju sa institucijama i stručnjacima, nužnu sinergiju i provođenje najboljih praksi. U svom dugogodišnjem radu, Agencija je implementirala više od 70 projekata, finansiranih od strane domaćih i stranih donatora (EC, IPA CBC, USAID, Sida, GIZ, Vlada Holandije i Švicarske...) u vrijednosti preko 12 mil KM.

Centar za edukaciju mladih (Udruženje CEM) je najveće omladinsko nevladino Udruženje na području Srednjobosanskog kantona sa sjedištem u Travniku. Udruženje ima prvenstveno za cilj edukaciju budućih omladinskih lidera, pružanje podrške razvoju omladinske politike na državnom i lokalnom nivou i bavljenje praktičnim radom s mladima (omladinskim radom). Cilj Udruženja je i poticanje mladih ljudi da se aktivnije uključe u život zajednice kroz volonterski rad.

Centar za edukaciju mladih će pridonijeti razvoju mladih poduzetnika kroz napredna poslovna rješenja, visokokvalitetnu i motiviranu radnu snagu sa sposobnošću učestvovanja u međuregionalnim evropskim projektima.

Poslovni Inkubator „BeeZone“ pruža profesionalne poslovne usluge mladima sa naglaskom na znanju, razmjeni i edukativnim programima za ostvarivanje napretka u osvješćivanju pojedinaca i njihovom osnaživanju za preuzimanje aktivne uloge u društvu. U potrazi za stalnim razvojem i prilikama nudimo preduzećima pozitivno poduzetničko okruženje u Centru za edukaciju mladih.

Konsalting odjel nudi poslovne usluge preduzećima u Inkubatoru i širem tržištu.

Stanari imaju mogućnost dobivanja sljedećih usluga konsaltinga:

- Razvijanje poslovnih ideja,
- Rješavanje problema koji prate razvijanje posla,
- Pronalaženje novih poslovnih rješenja,
- Osiguranje partnera u programima međunarodnog finansiranja.

Trening odjel nudi široki spektar svakodnevnih kurseva za stanare i vanjske klijente. Treneri su lokalno i međunarodno priznati i certificirani stručnjaci. Kursevi koji se nude su u oblasti poslovnih vještina, informacijskih tehnologija, desktop aplikacija i administracije.

Šta je Inkubator Centra za edukaciju mladih „BeeZone“?

Poslovni Inkubator je odjel Centra za edukaciju mladih koji pomaže mladim poduzetnicima u razvijanju poslovnih ideja i stvaranju novih poslova kroz osiguravanje okruženja za razvijanje posla, pristupima mentorstvu i investitorima, kao i pružanje podrške u marketinškim aktivnostima. Inkubator Centra za edukaciju mladih kreira pozitivne promjene u društvu u skladu sa evropskim integracijama.

Usluge Poslovnog Inkubatora

Za osobe i preduzeća koja su već razvila svoje ideje, ali ih žele unaprijediti, Inkubator nudi moderno uređene uredske prostore, poslovno savjetovanje, usluge treninga i sale za sastanke u periodu do 36 mjeseci pod subvencioniranim uslovima.

Predinkubacijske usluge

Za kandidate koji imaju dobar temeljni koncept poslovne ideje, koji zadovolje kriterije navedene u „Registracija poslovnih ideja“ i žele nastaviti razvoj svoje ideje, Centar za edukaciju mladih predviđa besplatnu predinkubaciju koja uključuje smještajne usluge, konzalting i trening na maksimalan period od tri mjeseca.

Detaljan opis usluga Inkubatora se može naći na www.cem.ba.

Inicijalni Start-up paket - Fond za podršku samozapošljavanju Općine Travnik

Pojedinici i timovi, koji su potpisali predinkubacijski ugovor o virtualnoj inkubaciji ili inkubacijski ugovor sa Centrom za edukaciju mladih, imaju pravo da koriste bespovratna sredstva kao dio **podrške samozapošljavanju mladih na području općine Travnik uz programe poduzetničke edukacije**. Start-up paket obuhvata troškove registracije pravne osobe, nabavku opreme potrebne za poslovanje, nabavku posebnog softvera neophodnog za rad, unapređenje poslovanja preduzeća i drugo u maksimalnom iznosu do 10.000 KM po jednom aplikantu.

Ko se može prijaviti?

- Osobe od 18-35 godina iz Bosne i Hercegovine i inostranstva, koje imaju inovativne ideje bazirane na znanju i žele pokrenuti vlastiti posao;
- Osobe koje žele razviti svoje istraživanje u poslovni poduhvat;
- Domaća i strana preduzeća koja žele uspostaviti spin-off preduzeće u Inkubatoru u svrhu širenja poslovnih odnosa i aktivnog učešća u razmjeni tehnologija, iskustva i znanja;
- Istraživački timovi iz akademske zajednice inicirani kroz univerzitetske istraživačke projekte ili razvojne odjele temeljene na unaprjeđenju tehnologije s primjenom u privrednom sektoru.

Ko se ne može prijaviti?

- Članovi Komisije za procjenu poslovnih ideja
- Članovi Skupštine, Upravnog odbora, Komisija i radnih tijela
- Osobe s kriminalnim dosjeom,

Kakve ideje trebaju biti?

- Inovativne*,
- Bazirane na znanju**,
- Potencijal rasta i stvaranja novih radnih mjesta,
- Tržišno orijentirane s potencijalom internacionalizacije,
- Ekonomski i finansijski nezavisne.

***Inovativnost** se definiše kao nova ideja, metoda ili proizvod. U ekonomiji promjena mora dodavati vrijednost za korisnike ili srodnu industrijsku granu.

****Teorija organizacije temeljenje na znanju** smatra znanje kao najznačajniji resurs preduzeća, kao glavni faktor održivosti komparativnih prednosti na tržištu.

Napomene:

Iako su inovacije i ideje temeljene na znanju veoma važne, nisu ključni za odabir ideje. Izrazito je važno da je poslovna ideja realna, zanimljiva i održiva. Također je važno da je aplikacijska forma popunjena pravilno i da je sva popratna dokumentacija blagovremeno podnesena.

Moguće je aplicirati samo sa poslovnom idejom, koja kao rezultat podrazumijeva formalno osnivanje privrednog subjekta, bez obzira na formu registracije.

Glavni fokus za Inkubator „BeeZone“ su inovativne i kompetitivne ideje bazirane na znanju, te želja da se u sklopu Inkubatora izraste u ozbiljnu firmu.

Napomena: Ako imate više ideja, svi predani zahtjevi biti će uzeti u razmatranje, ali moraju biti dostavljeni odvojeno.

Proces selektiranja poslovnih ideja

1. Podnošenje aplikacijskog obrasca (1. korak)

Javni poziv je otvoren od 23. marta do 23. aprila 2018. godine.

U ovom koraku kandidat mora ispuniti aplikacijski obrazac i priložiti svu traženu dokumentaciju (vidi „Potrebni dokumenti za apliciranje“).

Aplikacija sadrži slijedeće informacije:

- Informacije o pojedincu ili timu;
- Osnovne kontakt informacije (adresa, telefon, fax, e-mail, web stranica);
- Osnovne informacije o pojedincu ili članovima tima (nivo obrazovanja, znanja i relevantna iskustva).

Opis poslovne ideje:

- Naziv i kratak opis ideje;
- Kratak opis budućnosti preduzeća ili tima;
- Opis proizvoda ili usluge;
- Tržišni trendovi;
- SWOT analiza;
- Marketing strategija;
- Prodajna strategija.

2. Preliminarna procjena poslovnih ideja (2. korak)

- Centar za edukaciju mladih i Komisija za procjenu poslovnih ideja će procijeniti sve aplikacije u roku deset dana od dana prijema. Procjenjivati će se potpunost aplikacije, popratnih dokumenata i prirode poslovne ideje.

3. Poboljšanje poslovne ideje – Trening/Konsalting (3. korak)

Ako aplikacija zadovolji kriterije preliminarne evaluacije dobiti ćete priliku da u Inkubatoru unaprijedite svoju ideju uz profesionalnu pomoć konsultanata i trenera iz Centra za edukaciju mladih.

Cilj treninga je da pruži savjete kako napisati poslovnu ideju da bude lako razumljiva, realna i zanimljiva. Konsultacije su fokusirane na specifične segmente svake ideje. Konsultacije nisu obavezne, a mogu trajati oko 15 dana, nakon čega će kandidat imati još 5 dana da oblikuje svoju ideju i da podnese finalnu verziju.

4. Konačna procjena aplikacije (4. korak)

Nakon završenog treninga i konsultacija kandidati će biti pozvani na finalnu prezentaciju. Cilj prezentacije je upoznati članove Komisije za procjenu poslovnih ideja Centra za edukaciju mladih s idejom, s Vašim osobinama kao poduzetnika, kompetencijama i očekivanja o realizaciji poslovne ideje u Inkubatoru.

Nakon svih navedenih koraka, Centar za edukaciju mladih i Komisija za procjenu poslovnih ideja će donijeti konačnu odluku da li će kandidat ući u Inkubator. Konačna odluka će se uveliko odnositi na evaluaciju poslovne ideje, ali će se također uzet u razmatranje i mišljenje konsultanata i trenera (ako ste išli na treninge/konsultacije).

Aplikacija i potrebna dokumentacija

Aplikacija i potrebne informacije

Aplikacija mora biti podnesena na jednom od službenih jezika BiH ili engleskom putem emaila: beezone@cem.ba ili preporučeno poštom s naznakom *Obavezan potpis po prijemu* ili dostaviti na ruke direktno u Centar za edukaciju mladih, na adresu:

Centar za edukaciju mladih „Prijedlog poslovne ideje“

Za Komisiju za procjenu poslovnih ideja

Bosanska 131, 72 270 Travnik BiH

Potrebna dokumentacija

Za aplikante koji su tim ili pojedinac:

- Popunjen aplikacijski obrazac;
- CV članova;
- Vlastita izjava da se ne vodi krivični postupak i da kandidat nije kažnjava;
- Članci, publikacije ili bilo koje relevantne informacije koje bi mogle pomoći u evaluaciji ideje.

Svi dostavljeni dokumenti su povjerljivi i biti će korišteni samo u svrhu evaluacije ideje.

Nako što Centar za edukaciju mladih primi i analizira potrebnu dokumentaciju, aplikanti će biti informirani o ishodu evaluacije i daljnjim koracima.

Ukoliko trebate dodatne informacije kontaktirajte nas na:

CENTAR ZA EDUKACIJU MLADIH

Poslovni Inkubator „BeeZone“

Adresa: Bosanska 131, 72 270 Travnik

Telefon: +387 30 511-565

email: beezone@cem.ba

web: www.cem.ba